

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته‌لق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جمع ایدلکده اولان اعانه دن بو مکتوبی پوستیه ویردیکم تاریخه قدر تراکم ایدن درت بیک روبله سی پوستیه کوندرلشدر. [۱] اعانه تراکم ایتدیکجه پی درپی کوندریله جکدر. بوکون بتون کاشغر وحوالیسی مسلمانلرینک برنجی وظیفه لرینی خلافت و حکومتک بقا وموفقیتانه ، عساکر ومجاهدین عثمانیه نک مظفریتلرینه . ایتالیا حکومت باغیه سنک مقهوریتنه بتون محافل عالیة علمیة وخصوصیه ده دعالده بولمقی ، ایکنجی وظیفه لرینی اعانه جمع ایتک کی ملی ، عالی ، مدنی ، دینی اشتغاللر تشکیل ایتکده در .

انشاءالله عزت ، غیرت وعدالت الهیه نک عن قریب تجلی ایده جکی وایتالیا حکومت باغیه سنک محو ، مضحمل ، پریشان اوله جنی قطعیدر . یشاسون خلافت وعثمانیلر ، محو اولسون ایتالیا .

تشیون

مجلس مبعوثان عثمانی

معرضه مذاکرانی

ایکنجی اجتماع عمرمی : ۲۵ نisan ۳۲۸ ، چهارشنبه

ضبط سابق قرائت وعیناً قبول اولوندقدن سوکرا هنوز کلوب ده تحلیفی اجرا اولونمایان ذواتک تحلیفی اجرا اولوندی .

§ تیتانیق حادثه سی مناسبیله چکیلم تعزیت تلغرافنامه سنه بیان تشکری حاوی سیرادوار غرهیدن مورود تلغرافنامه قرائت اولوندوق الفیشلاندی .

§ بعضی ولایات عثمانیه دن غایان حسیاتی مبین اوله رق کلن تلغرافنامه لر قرائت اولوندی وشدتله آلفیشلاندی .

§ مضبوطه انتخابیه لرك قرائته باشلاندی . رئیس مضبوطه لر عین مآله اولدینی ایچون ساده دائره انتخابیه نک وکنديسنک اسمی اوقونمق صورتیه کیشیدیرلسنی تکلیف ایتدی . بومشله کورولتویه سبیت ویردی . الهده ، عابیده بر جوق شیرل سویلاندی . نهایت اوقونمسنه قرار ویریلرک ینه قرائته باشلاندی .

§ لازستان مبعوثی ضیا بکک دونکی اعیان مذاکره سنده داماد فرید پاشانک انتخابات حقنده کی بیاناتک مجلس مبعوثانه وعموم ملته عائد بر تحقیر اولوسی اعتباریه ردی تکلیفی مشعر بر تقریری اوقوندی وقبول ایدیلدی .

ارمنجی اجتماع عمرمی : ۳۰ نisan ، بازار ایرتسی

ضبط سابق قرائت وعیناً قبول اولوندقدن سوکرا هنوز کلوب ده تحلیفی اجرا اولونمایان ذواتک تحلیفی اجرا اولوندی .

انور بطک تلغرافی : — طرابلس وبنغازی مجاهدلرینه بیان تشکراتی حاوی چکیلم تلغرافه انور بکدن کلن آئیده کی جواب اوقوندی :

درعلیه ده مجلس مبعوثان ریاست علیه سنه : بوراده وظیفه لرینی ایفادن باشنه برشی باعیان بزله قارشو محترم مجلس مبعوثانک تلغرافله اظهار بویوردینی حسن توجه واعتماد بزى فوق العاده متشکر قیلدی . بوندن بویله ده بواعتماد وتوجه لایق اولدیغیزی کوسترمکه چالیشه جغز . یکوجود اوله رق محو اوله جق ویا دشمنه زى کاملاً قهر و تدمیر ایده جکر . (شدتلی آلفیشلر) الک کوچو کزدن اعتباراً هپز شمدی یه قدر بزى براقیان الهک بوندن سوکره ده بزله معاونتندن

امینر . (شدید وسورکلی آلفیشلر) ۲۵ نisan ۳۲۸ ، درنه انور

§ بعده مضبوطه انتخابیه لرك قرائتیله اشتغال اولوندی .

[۱] بو درت بیک روبله حریبه نظارتنه تسلیم اولمشدر .

شو صورتله مجلس ساعتلرجه دوام ایتدی ، بنده اولدیکجه کوز یاشلری دوکدم . آرتق بن بوندن سوکره قسم ایله نه قدر افتخار ایده رسم حقم واردر ، زیرا بکا بوالنفاطلر قسم سایه سنده اولدی .

منیر رشید

« توکیو »

مقام معالی خلافت وکاشغر مسلمانلری

یکن هفته کی نسخه مزده تورکستان چینیده کاش کاشغر مسلمانلرینک طرابلس غرب محاربه سی ایچون کوندر دکاری مبلغدن وبوبایده ابراز ایلدکاری فتوت وحیتلرندن بحث ایدلش ایدی .

بودفعه دخی کاشغر مسلمانلری اعیان واشراف وعلما سندن اولوب نام محترملری مطبعه مزجه معروف بولنان برذات عالی طرفندن اندرون هایون معالی قولجلی عبدالعزیز افندی یه ورود ایدن بر مکتوبک صددمزه عائد اولان قسمی محترم قارئلرینک نظر مطالعه لرینه وضع ایلرز .

کاشغر

« درسعادتن مفارقتک سکزننجی آئیده کاشغره واصل اولدم . یوله اوغرا دییم مملکتلر مسلمانلری طرفندن بیوک حرمتلر . صمیمیتلر ایله استقبال اولونیور ایدم . بوملکتلر مسلمانلرینک ایلمک سولاری خلیفه نوجاه افندمن حضرتلرینک صحت هایونلرندن وحکومت مشروطه سنیه لرینک وضعیت حاضره سندن وعساکر عثمانیه شاهانه لرینک احوال غضنفرانه لردن مباحثه به تعلق ایدردی . بوعبد عاجز دخی لسانم دوندیک قدر خلافتبناه ، شوکتآب سلطان محمد رشاد خان (ایده الله) افندمن حضرتلرینک بیوک کلرینک ، اقتدارلرینک ، محترملرینک مراتب سامیه سیله عثمانیلر ایله عالم اسلامک ترقیات ، تعالیات ، سعادتانه دائر فکر شاهانه لرینک درجات عالییه سی هر نوع ستایشک فوقنده اولدیغنی وحکومت مشروطه لرینک مسالک عالیسی دخی عین فکر ومسالک واققدار شاهانه دائره باهره سنده جریان ایتکده بولندیغنی وعساکر نصرت ، اثر ملوکانه لرینک دور سابقدن پارلاق وهردلو تکملات عسکریه ایله مجهز اولدیقلرینی رأی العین مشاهده سیله بختیار اولدیغنی ذکر ایتدیکجه اسلاملر طرفندن بتون صمیمیتله ، خلوص و صداقت یاشلریله خلیفه اعظم افندمن حضرتلرینک عمر وعافیت جهانقیمت شاهانه لرینک تمادیسنه ، بتون امور وافکار هایون ملوکانه لرینک توفیقات سبحانییه اقترانه وحکومت مشروطه عادلهرینک کافه حرکات اداریه ، اعماریه ، اجتماعی و سیاسییه موفقیتلرینه وعساکر (مؤیده من عندالله) شاهانه لرینک هریرده منصور ومظفر اولمیرینه دعالر ، تضرعلر ، نیازلر بارگاه اجابت اکنتاه احدیته رفع ایدیلور ایدی . ایشه هر مملکتده مقام معالی خلافت بویله دعالر ، صداقتلر ، خلوصلر ایچنده لبریز سرور وحبور اولدییم حالده یوقاریده کچدیک کی سکزن آئیده کاشغره واردم . بتون کاشغر اهالیسی بو حقیر استاذ واستاذ زاده لرینک استقباله شتابان اولشلر ایدی .

بوکوزل مملکتده دخی مقام خلافتدن یوقاریده کی عینی سؤلر ایراد ایدیلر ، عینی جوابلر ویریلر ، عینی صمیمی دعالر ، تضرعلر ، نیازلر درگاه عظمت اکنتاه الوهیه عرض ایدیلور ایدی .

اشنه استانبولدن کاشغره قدر اوغرا دییم مملکتلر ، اقلیملر مسلمانلرینک خلافت عالیای اسلامیة وحکومت معظمه عثمانیه قارشى بسلامتده اولدقلری رابطه لری بویله عالی ، صاف ، محکم ، متین بر وضعیتده در .

هله ایتالیا قورصاللرینک خلافتک خاک پاکنه وقوع بولان ووقوع بولمقده اولان تجاوزلری اووضعیت معنویه اسلامیة نک مادی بروضعیت مهیبه اسلامیة به انقلابنه بر وسیله غرا ، بر رابطه مبعوله اولمشدر .

بو وسیله مبعوله کاشغر وحوالیسی مسلمانلرینه (طرابلس غرب محاربه سنه اعانه) نامیله بر اعانه دفتیرینک کشادینی الهام الیش و بین الاسلام اعانه جمعنه مباشرت ایدلشدر .